

**TAIZÉ**

***PROPOSTA SIRA BA TINAN 2019***

***MAI ITA LA BELE HALUHA HOSPITALIDADE/SERBII!***

**KETA HALUHA ATU HATUDU HOSPITALIDADE, TANBA HODI HALO NUNEE MAK EMA  
BALUN SIMU ANJU SIRA, MASKE SIRA RASIK LA HATENE. (*Hebreu 13:2*)**

Peregrinasaun fiar nian, susesu ida lori enkontru foinsae sira nebe hahu iha taizé decada hirak liu ba, continua ohin loron iha continente hotu.

Iha cada reuniaun, esperiensa ida nebe memoravel tebes maka hospitalidade, tanto participante foinsae sira no ba ema hirak nebe loke odamatan ba sira.

Iha fulan Agostu 2018, ami bele sukat dala ida tan valor hospitalidade nian iha Hong-Kong, durante enkontru foinsae sira husi Asia tomak no besi-besik Asia, inklui nasaun sira nebe hasoru tiha ona konflitu no iha balun sei marka ho istoria kanek nebe precisa kura.

Ema Participantes hamutuk 700 mai husi provincia diferente iha continente China. Presensa foinsae sira mai husi nasaun barak no simu sira iha familia Hong Kong nian nudar sinal esperansa.

Foinsae kristaun sira Asia nian maka dala ruma minoria kiik iha sosiedade nebe mak muda mudansa lalais. Sira hakaas aan atu hodi forsa husi sira nia fiar iha Kristu no moris nudar feton no naan iha igreja.

Husi enkontru European ninian iha Madrid no tuir mai, durante tinan 2019, iha Taizé, sidade no fatin seluk, ami sei halo reflesaun klean liu tan iha aspetu balun ba hospitalidade nian.

Proposta tuir mai nee mak abut fiar nian; sira konvida kiristaun sira atu diskobre huun/we matan hospitalidade nian iha Maromak. Nee lori ita atu husu imajen nebe ita iha kona ba Maromak. Maromak nunka exklui maibe simu ema pessoal ida-idak.

Hau nia irmaun sira no hau hare katak esperiensa hospitalidade nian laos involve deit ema kristaun sira husi igreja nebe diferente maibe fiar nain sira seluk nunee mos ema jentiu sira.

Iha difikuldades sira agora nee nia leet, wainhira fiar lakon ba bebeik, ita iha korajen, hotu-hotu hamutuk, atu moris iha hospitalidade hodi permiti atu hamoris fiar?

**Ir. Alois**

## **Proposta Dahuluk:**

### **Deskobre we matan hospitalidade nian iha Maromak**

Hahuu husi mundo/Universu nee hahu, Maromak servisu nudar misteriosamente. Fiar/konviksaun ida nee mak sentru ba istoria poeticas sira kona ba hahu kriasaun iha Biblia. Maromak kontempla saida mak Nia kria no fo bensa; Maromak hare kriasaun hotu furak. Maromak hadomi liu mundo/universu tomak.

Dala ruma ita komprende oituan deit kona ba Maromak, maibe ita bele ba oin iha konfiansa katak Maromak hakarak ita nia haksolok no simu ita hotu. La ho kondisaun previa “prasyarat”. Maromak mak we matan/hun ba hospitalidade.

Sei iha barak, liu husi Kristu, Maromak mai ona sai ida deit ho ita, atu lori humanidade hamutuk ho Nia no simu ita. Maromak nia hospitalidade ida nee fanu ita nia klamar: naksulin no ultrapassa ema hotu nia bareira.

- Wainhira hasoru perigo sira nebe maka hatodan ita nia tempu, ita aprende desesperado/lakon aten brani? Atu tau ita nia esperansa moris, mai ita pratika espiritu furak/maravilha, hare ba buat hotu nebe haleu ita katak buat hotu bele halo ita admira.
- Mesak ou haumtuk ho ema seluk, mai ita lee Biblia, hahu ho evanjellu nebe dehan mai ita istoria kona ba Jesus nia moris. Ita la bele komprende buat hotu dala ida deit; dala ruma ita sei precisa atu buka barak liu tan. Lao hamutuk ba Biblia hanesan ba we matan moris nian sei tulun ita moris fiar iha Maromak.

**Oan nebe sai ona husi uma hader no ba hasoru nia aman. Maibe wainhira nia sei iha dook, nia aman hare nia no nokonu ho domin ba nia oan, aman halai ba nia oan, hakuak nia no rein nia ( Lukas,15:20).**

Saida mak ita hetan iha aiknanoi, Lukas 15:11-32, hanorin hau kona ba Hospitalidade Maromak nian?

## **Proposta daruak**

### **Fo atensaun ba presensa Kristu nian iha ita nia moris.**

Maromak oferese ba ita hospitalidade, maibe nee mak ita nia resposta livre katak nee sai komuniaun ida los ho nia.

Jesus hatudu mai ita katak Maromak mak domin, oferese mai ita amizade. Ho haraik aan, Kristu hamrik iha ita nia odamatan no dere. Hanesan ema kiak ida, nia espera no hein ita nia hospitalidade iha retornu. karik ema ruma loke odamatan ba nia, nia sei tama.

Ho orasaun simples ida, ita fo ba nia aksesu ba ita nia fuan. depois, mesmo kuando ita hametin liu tan ninia presensa, Kristu mai atu hela iha ita leet.

- Reza iha igreja ida, mesmo iha momentu balun deit; buka tempu, iha kalan ou iha dader, la ho objetivu seluk ida depois fo ba Maromak ita nia loron- buat hirak nee hotu maka forma ita tama iha tempu nebe ita liu. Hanoin fali presensa Kristu nian mos husik ita livre husi ita nia tauk- tauk ema seluk, tauk atu la sai ema diak, tauk iha tempu oin mai nebe insertu.
- Wainhira ita la iha tempu barak, ita bele koalia ba Kristu kona ba ita nia aan no ema seluk- sira nebe besik no dook husi ita ho deit lia fuan balun, hanesan koalia iha ita nia laran (bisikan). ita bele dehan ba nia saida maka iha ita no saida maka ita nafatin la kompriende. Lia fuan balun husi Biblia bele mos fo hanoin ita iha loron tomak.

**Kristu moris hias hateten: “hau hamrik iha odamatan no dere odamatan. karik ema ruma rona hau nia lian no loke odamatan, hau sei tama no han hamutuk ho sira no sira ho hau.” (Revelasaun 3:20).**

Saida maka tulun hau atu rona Kristu?

Signifika saida mai hau atu “Loke odamatan ba Nia”?

## **Proposta datoluk**

### **Simu ita nia presente/talento no mos limitasaun sira.**

Maromak simu buat hotu iha ita, wainhira ita simu ita nia aan rasik. Nee mak buat nebe importante liu atu hahu kura ita hotu.

Mai ita hahi Maromak ba ita nia presente/talentu sira. Mai ita simu mos ita fragilidades/kelemahan hanesan odamatan ida nebe Maromak tama iha ita. Atu lori ita ba oin liu tan, atu tulun ita hodi muda ita nia moris, Maromak hakarak ita simu uluk ita nia aan rasik.

Simu ita nia limitasaun sira la halo ita passiva iha injustisa sira oin, violensia no esplorasau ema. Kontrariu fali, simu ita nia limitasaun bele fo ba ita forsa atu luta ho fuan nebe hakmatek/dame.

Espiritu Santo, hanesan ahi nebe subar hela iha ita nia fuan laran, gradualmente transforma buat hotu iha laran no iha ita nia sorin-sorin nebe kontra moris/vida.

- Atu deskobre ita nia presente/talentu no simu ita nia limitasaun sira, mai ita buka ema nebe ita fiar no bele rona ita ho laran luak, ema ruma nebe tulun ita atu lao ba oin iha moris no iha fiar.
- Nee essensial tebes atu fo fatin ba iha ita nia orasaun. Nee unifika ita nia existencia. Reza hananu hamutuk maka nunca troka; nee rai metin iha ita nia fuan laran.

**“Mai besik hau, imi hotu nebe kolen no lori naha todan, hau sei fo kmaan ba imi. Tuir hau nia dalan no aprende husi hau, tamba hau laran maus no haraik aan no sei fo hakmatek ba imi klamar. Hau nia dalan los no hau nia naha kmaan.” (Mateus 11:28-30).**

Naha ida oinsa no hakmatek ida oinsa maka Jesus koalia?  
Saida maka hau bele aprende husi Nia?

## **Proposta dahaat:**

### **Buka iha igreja fatin ba amizade.**

Atu fahe ita nia fiar iha Maromak ho ema seluk, ita precisa fatin nebe ita bele hetan laos ba belun oituan deit nebe maka ita kuinese diak maibe amizade nebe maka luan atu inklui sira nebe diferente husi ita.

Parokia sira no comunidade local sira lori hamutuk jersaun sira diferente no ema husi social oi-oin no cultura oi-oin. Iha rikusoin amizade nian iha nebe, balun ita explora makaas no precisa aproveita ho diak.

Karik igreja local sira ida-idak hanesan familia hakmatek, nebe ita bele sai hanesan ita aan rasik, ho ita nia duvidas, la tauk atu julga.

Igreja hetan iha nebe deit Espiritu Santo huu ba, iha nebe deit amizade Kristu nian leno ba. Nasaun balun iha parte Sul nian, iha comunidade kiik base Kristaun nebe maka halo komitmentu boot ba ema seluk, iha sira nia aldeia. Bele ka sira sai hanesan fonte inspirasaun ba nasaun sira seluk?

- Nee diak atu enkontru regularmente iha grupu kiik atu reza no fahe ba malu, maibe mai ita mos suporta comunidade boot kristaun nebe existe iha ita nia sidade ou aldeia. Bele ka ita nia grupu kiik bele fo atensaun, hanesan, ba sira nebe mai misa domingu maibe la kuinese ema ruma iha neba?
- Kristu hakarak lori ema hotu nebe hadomi no tuir nia iha komunian ida, nune mos sira nia afiliasaun ba denominacionais. Fahe hospitalidade mak dalan ba unidade. Labele ka ita konvida ema seluk nebe haleu ita nebe espresa sira nia fiar diferente atu resa hamutuk ho ita?

**Iha kruz, molok nia mate, Jesus hare nia inan no hamrik besik nia, eskolante nebe nia hadomi. Nia dehan ba nia, “feto, nee mak o nia an”, no ba eskolante dehan, “nee mak o nia inan”. Hahu tempu nee, eskolante nee simu nia inan iha nia uma. (Joao 19:25-27)**

Iha kruz oin, familia foun ida moris husi Jesus nia hakarak rasik.

Oinsa ita bele moris ohin loron hanesan bin alin no maun alin?

## **Proposta dalima:**

### **Pratika hospitalidade ho haraik aan.**

Maromak nia hospitalidade ba ita hanesan apelo ida. Bele ka ita simu ema seluk, laos tuir ita nia hakarak ba sira maibe simu sira hanesan sira hakarak? Bele ka ita husik ita aan rasik atu sira simu tuir sira dalan, maibe laos ita nia dalan?

- Mai ita sai hanesan fetu no mane simu nain, fo tempu atu rona ba ema ruma, konvida sira ba han hamutuk, hakbesik ba ema sira nebe kiak, iha liafuan mamar ba sira nebe ita hasoru.
- Wainhira hasoru desafius boot mai husi migrasaun, mai ita buka dalan iha nebe hospitalidade sai hanesan oportunitade ida, laos deit ba sira nebe ema simu maibe ba sira nebe simu ema mos. Hasoru husi ema ba ema precisa liu atu ita rona, hanesan rona istoria ema migrante ou refujiadu nian. Hasoru sira nebe mai husi fatin seluk sei tulun ita atu hatene diak liu ita nia abut no hametin/aprofunda ita nia identidade.
- Ita precisa tau matan ba mundo. Planeta furak nee mak ita nia hela fatin comun. Mai ita nafatin hospitaleiro/simu, nunee mos ba ita nia jersaun sira iha futuru. Nee importante tebes atu hare fila fali ita nia estilu moris, halo buat hotu nebe ita bele atu hapara esplorasau rekursus nebe la tuir dalan no atu kombat polusaun oi-oin no hamenus biodiversidade. Wainhira ita iha solidaridade ho kriaun hotu-hotu, ita sei deskobre ksolok nebe suli husi nee.

**Jesus hateten, “tebes duni hau dehan ba imi, saida deit mak imi halo ba hau nia maun-alin no bin-alin sira nee ida, imi halo mai hau. (Mateus, 25:40)**

**Ita tenki tulun sira nebe fraku, hanoin fila fali Nai Jesus rasik dehan: “haksolok atu fo duke simu”. (Apos 20:35)**

Horibainhira maka hau hetan esperiensa katak “foo” lori ksolok?

Hau senti katak hau mos precisa atu simu buat ruma husi ema seluk?

## **Peregrinasaun fiar nian iha tinan 2019**

### **Iha Taizé**

#### **Semana-semana iha tinan tomak**

Husi domingo too domingo, encontru international ba foinsae adultu sira.

#### **Amizade iha fin de semana entre foinsae Kristaun no Musulmano.**

Husi loron Kinta, 22 de Agostu too Domingo, 25 de Agostu.

Fahe ba malu kona ba ita nia relasaun ho Maromak, oinsa ita resa, buka liafuan atu espresa saida maka halo ita unidade no saida maka diferente.

#### **Semana refleksaun ba sira nebe ho idade entre 18 – 35.**

Husi Domingo, 25 fulan Agostu – Domingo, 1 fulan Setembru.

Refleksaun no fahe iha grupu, workshop nebe sei lori husi apresentador husi nasaun barak nebe la hanesan. Sira nebe hakarak bele tuir programa especial, dedikado ba desafius meu ambiente no mudansa klimatika.

### **Iha Beirut**

#### **Encontru ecumênico internacional ba foinsae adultu.**

Husi loron Sexta, 22 Marsu too Tersa, 26 Marsu

Igreja sira iha Libanu no konsellu igreja husi mediu oriente sai uma nain ba primeiru encontru foinsae adultu sira nian nebe organiza husi Taizé iha Libanu.

### **Iha Cape Town**

#### **Etapu tuir mai peregrinasaun fiar nian iha Afrika**

Husi Quarta, 25 Setembru too Domingo, 29 Setembru

Foinsae sira mai husi Afrika Súl no konvida mos sira nebe besik atu selebra no fo sasin hamutuk kona ba sira nia fiar.

### **Iha Wroctaw**

#### **Encontru foinsae sira husi Europa**

Husi Sabado, 28 Dezembru 2019 too Quarta, 1 Janeiro 2020

Encontru Europa ninian ba dala 42 sei halao iha Wroctaw, Poland.

DetaiLLU kona ba encontru diferente hirak nee:

[www.taize.fr](http://www.taize.fr)     @taize